

# Pinistaim pepa long sekim long ol wokmanmeri inap yusim

Dispela lista em i soim olgeta samting bai yu mas stretim bipo yu go bek long ples bilong yu taim wok bilong yu wantaim Pacific Australia Labour Mobility (PALM) scheme i pinis. Kampani yu wok long en i mas givim yu dispela lista na toktok wantaim yu long en. Putim toksave long fone o kalenda bilong yu long sekim dispela lista olsem 6, 3, 2 na 1 mun bipo yu lusim Australia.

6 mun pastaim long bai yu lusim Australia	
Sekim gut wanem taim bai passport bilong yu bai pinis	
Wanwan kantri i gat kainkain lo long taim bai passport inap pinis na sapos inap stap gut yet. Em bikpela samting tru bai yu tingim ol lo bilong kantri bilong yu long passport na yu mas gat inap taim i stap long yu bai go bek long kantri bilong yu, olsem 6 mun hipo long taim yu bai go bek.	<input type="checkbox"/>
Sekim moni long bank akaun bilong yu.	
<ul style="list-style-type: none"> <li>• Sekim olsem yu mas gat inap moni long akaun bai yu inap baim balus tiket na ol narapela samting long go bek long ples.</li> <li>• Toktok long kampani yu wok long en sapos yu bai hat long savim inap moni long go bek long ples.</li> <li>• Nogut kampani yu wok long en bai baim tiket bilong yu long go bek long ples, na bai yu tokorait long ol inap rausim bek moni long pe bilong yu.</li> </ul>	<input type="checkbox"/>
Sekim gut ol rot bilong travel na haumas long baim bilong ol.	
<p>Ol wokmanmeri bai wok longtaim ol mas tingim gut long baim ol dispela kain travel samting.</p> <ul style="list-style-type: none"> <li>• sampela kain we bilong travel</li> <li>• wanem balus tu bai yu inap kisim na haumas bai baim [toktok long kampani o country liaison officer (CLO) long halpim long dispela]</li> <li>• - sapos yu stretim toktok long kampani yu wok long en, nogut ol inap baim balus bilong yu na bihain yu bekim long pe bilong yu.</li> <li>• balus long kantri bilong yu na kalap long narapela balus long ples-balus long Australia, sapos yu bai mekim dispela.</li> <li>• baim haumas long senis balus long taim yu kamap pinis long ples bilong yu.</li> <li>• baim haumas long haus-slip taim yu travel sapos yu nidim dispela.</li> <li>• baim haumas long ol samting yu karim long balus [karim moa bag bai yu baim bikpela moni, na yu mas painimaut long haumas bag yu inap karim pastaim long yu go].</li> <li>• duty free allowance long kantri bilong yu.</li> <li>• haumas long baim quarantine long kantri bilong yu [sapos ol i tok yu nidim].</li> </ul>	<input type="checkbox"/>
3-pela mun pastaim long yu laik go bek	
<p>Toktok wantaim ol femili bilong yu long bai yupela go bek long ples. Toktok long ol dispela samting:</p> <ul style="list-style-type: none"> <li>• wanem ol samting yupela bin laik mekim long Australia</li> <li>• haumas moni yu laikim long karim i go bek</li> <li>• wanem samting bai yupela mekim na painim hamamas taim yu go bek long ples</li> <li>• wanem ol samting femili bai laikim long kisim go bek long ples [tingim long nogut baim bikpela moni long moa bag long karim]</li> <li>• olsem wanem bai yupela lusim ples balus long hap na kamap long haus bilong yupela.</li> </ul> <p>Sapos yu gat wari long ol dispela, toktok wantaim CLO bilong yu. Lista bilong ol CLO bai yu painim long PALM website long: <a href="https://www.palmscheme.gov.au/contact">https://www.palmscheme.gov.au/contact</a>.</p>	<input type="checkbox"/>

## Pinistaim checklist long ol wokmanmeri: Pes 2

Sekim kampani yu wok long en long ol i askim tokorait long yu bai go bek long ples bilong yu	Stretim ol dispela samting
<ul style="list-style-type: none"> <li>• Wanem ol samting yu mas bihainim long ol lo bilong COVID-19 na sapos ol bai sekim yupela.</li> <li>• Long moa halpim long bihainim ol lo bilong travel askim long PALM sapot sevis fone long 1800 51 51 31 o email long: (support@pacificlabourfacility.com.au).</li> </ul>	<input type="checkbox"/>
<b>Sekim visa bilong yu i stret</b>	
<ul style="list-style-type: none"> <li>• Askim kampani yu wok long en long toksave long yu long visa bilong yu orait yet na wanem taim bai pinis. Kampani inap painimaut long dispela long immi.gov.au account bilong ol long Department of Home Affairs: <a href="http://www.homeaffairs.gov.au/immiaccount">http://www.homeaffairs.gov.au/immiaccount</a>.</li> <li>• Bai yu mas save long dispela long kisim superannuation moni bilong yu taim yu go bek long ples na visa bilong yu i pinis.</li> </ul>	<input type="checkbox"/>
<b>Stretim wanpela pepa long raitim ol samting yu bin wokim</b>	
<p>Dispela em ol:</p> <ul style="list-style-type: none"> <li>• pepa bilong yu we i soim wanem ol wok yu bin wokim, na ol pas bilong kampani long soim dispela.</li> <li>• ol certificate pepa yu kisim long taim yu wok long Australia</li> <li>• ol pepa bilong soim yu inap wok long wanem ol masin na lisens long draivim kar</li> <li>• ol narapela gutpela samting yu mekim pinis, olsem yu memba long wanem ol club na tim bilong sport.</li> </ul>	<input type="checkbox"/>
<b>2-pela mun pastaim long yu bai go pinis</b>	
<b>Lainim olsem wanem bai yu kisim superannuation bihain long taim yu go bek long ples</b>	
<ul style="list-style-type: none"> <li>• Lukluk long Australian taxation office website: <a href="https://bit.ly/clamingsuper">https://bit.ly/clamingsuper</a>.</li> <li>• Na lukluk long PALM scheme website long lukim superannuation toksave pepa : <a href="https://www.palmscheme.gov.au/resources/superannuation-pacific-workers">https://www.palmscheme.gov.au/resources/superannuation-pacific-workers</a>.</li> <li>• Toktok long kampani yu wok long en sapos yu nidim sampela moa halpim.</li> <li>• Tingim bai yu mas kipim bank akaun bilong yu long Australia i stap op long kisim departing Australia superannuation pe bilong yu. Askim long husat superannuation lain bilong yu long painimaut long ol bai putim moni bilong dispela long bank akaun bilong yu.</li> </ul>	<input type="checkbox"/>
<b>Lainim olsem wanem bai yu stretim takis return pepa bilong yu bihain long taim yu go bek long ples [longtaim wokmanmeri tasol]</b>	
<ul style="list-style-type: none"> <li>• Lukim long Australian taxation office website: <a href="https://bit.ly/lodgingtax">https://bit.ly/lodgingtax</a>.</li> <li>• O go long PALM scheme website long painimaut long stretim tax return fact sheet: <a href="https://www.palmscheme.gov.au/resources/lodging-tax-return">https://www.palmscheme.gov.au/resources/lodging-tax-return</a>.</li> <li>• Askim long kampani yu wok long en long kisim moa halpim long dispela.</li> </ul>	<input type="checkbox"/>



# Pinistaim checklist long ol wokmanmeri: Pes 3

Lukautim gut ol pepa long wok bilong yu	Raitim ol dispela samting
<p>Olsem ol dispela:</p> <ul style="list-style-type: none"> <li>Australian tax file namba bilong yu</li> <li>nem bilong Australian superannuation fund yu stap long en, na wanem Australian Business Number (ABN) bilong ol</li> <li>superannuation memba number bilong yu</li> <li>my.gov website registration details.</li> </ul> <p>Bai yu nidim ol dispela long askim long kisim superannuation bilong yu, long stretim tax return na sapos yu bai go bek wok long Australia bihain.</p>	<input type="checkbox"/>
<p><b>Stretim na baim olgeta sit bilong balus [longpela taim wokmanmeri tasol], ples balus transfer, na ples slip taim yu travel.</b></p>	
<p>Sapos yu tokorait pinis bai kampani yu wok long en bai baim ol dispela na bai yu bekim long ol long rausim long pe bilong yu.</p>	<input type="checkbox"/>
<p><b>Wanpela mun pastaim long yu bai go</b></p>	
<p><b>Stretim ol samting bai yu mas baim</b></p>	
<p>Em ol samting olsem baim long yusim fone bilong yu na ol takis samting. Sapos yu laik kipim bank akaun bilong stap op bai yu mas rausim ol wanem kain samting bai rausim long akaun bihaintaim.</p>	<input type="checkbox"/>
<p><b>Tingim olsem wanem bai yu salim ol moni bilong yu go long ples</b></p>	
<ul style="list-style-type: none"> <li>lukim long <a href="https://sendmoneypacific.org/">https://sendmoneypacific.org/</a> long luksave long baim long salim moni long kantri bilong yu. Na tu lukluk long dispela long: <a href="https://www.facebook.com/SendMoneyPac">https://www.facebook.com/SendMoneyPac</a>.</li> <li>Askim long bank bilong yu long Australia long haumas long baim ol long salim moni bilong yu long ples.</li> </ul>	<input type="checkbox"/>
<p><b>Sindaun gut long bung na toktok long kampani yu wok long en long bai yu lusim ol na go</b></p>	
<ul style="list-style-type: none"> <li>Dispela bung inap wantaim grup o long yu wanpela tasol.</li> <li>Yu mas raitim nem bilong yu long pepa i soim yu sindaun na harim toktok long dispela bung.</li> <li>Askim long sindaun wantaim kampani yu wok long en sapos yu laik askim ol long wok wantaim ol bihaintaim.</li> </ul>	<input type="checkbox"/>
<p><b>Sekim ol pepa long soim sapos dokta mas sekim yu pastaim long yu bo bek long ples.</b></p>	
<p>Tingim:</p> <ul style="list-style-type: none"> <li>sampela kantri bai nidim sekim yu pastaim long Tuberculosis (TB) na Human Immunodeficiency Virus (HIV) sik.</li> <li>wanpela sekim helt bilong yu long pasin bilong kamapim pikinini samting.</li> <li>stretim ol pepa long dokta long kisim ol kondom samting na long kisim aiglas samting sapos i hat long kisim long ples bilong yu taim yu go bek pinis.</li> </ul>	<input type="checkbox"/>
<p><b>Stretim las pepa long kisim moni sapos yu bin sik long Australia.</b></p>	
<ul style="list-style-type: none"> <li>Toktok wantaim kampani yu wok long en sapos yu gat moa askim na lukluk long PALM scheme health insurance fact sheet pepa long moa toksave long: <a href="https://www.palmscheme.gov.au/resources/health-insurance">https://www.palmscheme.gov.au/resources/health-insurance</a>.</li> </ul>	<input type="checkbox"/>



## Pinistaim checklist long ol wokmanmeri: Pes 4

Kisim COVID-19 international vaccination certificate bilong yu	Pinisim ol dispela samting
<p>I gat 3-pela rot long ol PALM scheme wokmanmeri long kisim certificate pepa bilong ol:</p> <ul style="list-style-type: none"> <li>• Ringim Australian Immunisation Register (AIR) long namba 1800 653 809 long tokim ol long salim pepa long Pos Ofis (em bai inap 14 de long kamap).</li> <li>• Go long wanpela Services Australia Centre. Lukluk long <a href="https://findus.servicesaustralia.gov.au/">https://findus.servicesaustralia.gov.au/</a> long painim wanpela senta klostu liklik long yu.</li> <li>• Salim askim long mygov.com.au akaun bilong yu. Bai yu mas gat wanpela Individual Healthcare Identifier (IHI) long soim ol. Lukim long Services Australia long save long kisim certificate pepa long internet sapos yu no stap insait long yusim Medicare: <a href="https://bit.ly/nomedicare">https://bit.ly/nomedicare</a>.</li> </ul>	<input type="checkbox"/>
<b>1 wik pastaim long yu go bek</b>	
<b>Sekim sapos yu mas kisim wanpela COVID-19 polymerase chain reaction (PCR) test o Rapid Antigen Test (RAT) pastaim long yu kalap long balus</b>	
<ul style="list-style-type: none"> <li>• Em dispela bai yu kisim 48 inap long 72 haua pastaim long yu kalap long balus.</li> <li>• Askim kampani yu wok long en long halpim yu, o lukim long Department of Health website long painim ol clinic long kisim test: <a href="https://www.health.gov.au/health-alerts/covid-19/testing#where-to-get-tested">https://www.health.gov.au/health-alerts/covid-19/testing#where-to-get-tested</a>.</li> </ul>	<input type="checkbox"/>
<b>Sekim las pe bilong yu na wanem ol rausim</b>	
<ul style="list-style-type: none"> <li>• Toktok wantaim kampani yu wok long en sapos yu got sampela askim long las pe bilong yu.</li> <li>• Yu mas holim pas inap moni long go kamap long ples.</li> </ul>	<input type="checkbox"/>
<b>Redi long lusim haus yu slip long en</b>	
<p>Sekim ol samting bai yu stretim wantaim kampani. Nogut bai yu mas:</p> <ul style="list-style-type: none"> <li>• Klinim gut haus yu slip long en</li> <li>• rausim paua na wara samting long haus</li> <li>• rausim internet</li> <li>• givim bek ol key bilong haus</li> <li>• stretim toktok long kisim bek bond moni bilong yu</li> </ul>	<input type="checkbox"/>
<b>Raitim lista bilong fone namba na email adres [lukim daunbilo long pepa hia]</b>	
<p>Raitim ol fone namba na email adres bai yu nidim taim yu go pinis long ples.</p> <ul style="list-style-type: none"> <li>• PALM sapot sevis fone namba (1800 51 51 31) o (<a href="mailto:support@pacificlbourfacility.com.au">support@pacificlbourfacility.com.au</a>)</li> <li>• kampani yu wok long en, menesa na ol wanwok bilong yu</li> <li>• CLO</li> <li>• ol narapela.</li> </ul>	<input type="checkbox"/>
<b>Australian mobile fone na SIM card</b>	
<ul style="list-style-type: none"> <li>• Kipim fone bilong yu stap connect inap yu laik lusim Australia.</li> <li>• Sapos yu save olsem bai yu kam bek long Australia, nogut yu laik kipim dispela fone na SIM card [tasol tingim yu mas save haumas bai yu baim long dispela].</li> <li>• Rausim fone lain long haus na pinisim SIM o fone plan, sapos yu laik mekim olsem.</li> </ul>	<input type="checkbox"/>

## Pinistaim checklist long ol wokmanmeri: Pes 5

<b>Tokaut long fone namba na email adres bilong yu long kantri bilong yu</b>	<b>Pinisim ol dispela samting</b>
<ul style="list-style-type: none"> <li>• Long kampani yu wok long en</li> <li>• Long Pacific Labour Facility long email: (support@pacificlabourfacility.com.au).</li> </ul>	<input type="checkbox"/>
<b>Long de stret yu bai go</b>	
<b>Wanem samting bai yu karim long balus</b>	
<p>Karim ol dispela long han o bag bai yu karim long balus [no putim insait long ol bag yu sekim long balus]:</p> <ul style="list-style-type: none"> <li>• Lista hia wantaim ol fone namba yu raitim</li> <li>• Passport bilong yu we i stap orait</li> <li>• Ol wanem balus bai yu go long en na ol tiket na hus-slip ol bukim pinis</li> <li>• COVID-19 international vaccination certificate</li> <li>• Pol marasin wanpela Dokta i givim yu [sapos yu gat] na leta long Dokta long dispela.</li> <li>• Sampela liklik cash moni yu holim long baim kaikai na sampela samting yu laikim taim yu travel.</li> </ul>	<input type="checkbox"/>
<b>Bikpela toksave</b>	
<ul style="list-style-type: none"> <li>• Yu inap kipim bank akaun stap op sapos yu laikim long putim sampela moni insait olsem las pe yu bai kisim, moni ol bekim long tax na superannuation bilong yu. Plis tingim long tokim bank long stopim wanem ol sampela moni ol bank i save rausim long akaun bilong yu, na askim bank long bai baim haumas long kipim dispela akaun bilong yu stap op.</li> <li>• Stretim tok bilong excess baggage pastaim long yu lusim Australia na save long yu bai baim haumas.</li> <li>• NO KEN holim planti cash moni long han bilong yu taim yu go bek long ples.</li> <li>• <u>OLTAIM</u> toktok wantim kampani lain o CLO bilong yu [sapos kantri bilong yu gat] long wanem hevi kamap long yu. Lukluk long PALM website long hia: <a href="https://www.palmscheme.gov.au/contact">https://www.palmscheme.gov.au/contact</a>.</li> </ul>	<input type="checkbox"/>

## Ol gutpela lain long kolim ol

Long tabel daunbilo yu raitim husat ol lain bilong yu long toktok wantaim ol long Australia. Sampela kain olsem mipela raitim daunbilo hia.

Nem	Fone Namba	Email
Kampani yu wok long en		
PALM sapot sevis fone namba	180 51 51 31 (bisnis haua tasol, tasol eni taim sapos emergency kamap)	support@pacificlabourfacility.com.au
CLO bilong yu		

